

知止堂集

全

宋欽字欽之號知止堂

咸豐二年四月
仲夏

宋欽字欽之號知止堂
咸豐二年四月
仲夏

古以堂造持序

人國之屋頭立儒之為世標準
古人道陽之術以勅之也求諸
蓋罕有乃宜物理難全之民解
充享之既維此所南室有出以
宗以生立此堂而受其年厚之
自始而重以之今界又何不盛哉

當少時則中裁第方寸以爲之辭句
人皆難名自生實之誠愛以之辭
易補之者名先生子代孫禽賢氏訪
余出寐之之演袖一冊子以臨印此
書以親老之及衆集叙之始五千篇
得所以傳及而然者之余性愛以年
業因仰之書以有以生必有貴在人生

觀錢穀以朱不文者爲人久矣不
敢以形爲生文乎教之國而求
蓋惟可之如之教而爲生者
以乃我步方以尔余爲生感竊
念此生如夢如日果之照載 國
素以人身自打之陽教之如蹟之天儒
之醇文復之如綠豈僅狀而能公

之雅筆余陸行蘭出克之第一以
何如否嗚呼先生才夢幻噴迥步在
人竊疑處所之易得乃卒年之象
之章子午存事之爲夢視之以浮屠
爲業止休殆若以表空虛喪失神
品以老之少悔福者分患歷試偶有效
存裡一重疊清年一重疊榮者老

酒席之殊無擇乎賜宴之者
數皆自我始此乃人必知此至
父母與人享年百有一第之自來
卷之九其惡此乃人必知此至
卷之九其惡此乃人必知此至
是何德瑕而常此乎以此知人之
知界之全者請而將嘉王之子顯

今此儒者爲了自中三考五經
考此計時務外供我先生了沒今一
百年有餘年矣既而後教國多
學日新士林同前本等親重之
典元子見懿治之無射其人白公輪
之久乃定以名其死之民於後身
先生述作能垂世遠近不爲傳于世

然自多不朽者存空待為文即
嗟金少子好生晚亦不親友之
今者壽先生之志之與法之經之性
為常先生之志又何者之甚也耶
為儒哉遂生福之與為之是之
山靈續紀卷八之七十年之為益
夏堊梁以人霍然蕭條序

知止堂遺稿第一

二帝官天下賦

賦

天何心哉至公而已聖何心哉法乎天已天下公器
匪一人之有私緬二帝之天下嘉二帝之無私想其
茲勤終天天下雍熙君天下芳同人克欲傳於有德
來雖胤子昨日事乎傲虐舜雖側微乃溫恭以允塞
充何心於取舍視聖賢之如何舉天下而與人順天
下之謳歌天與人歸曆數在躬迨耄耄之倦勤思以
位而與人帝之子方不肖繇之子方克勤知不可以
興子命伯禹以陟位茲二帝官天下蓋出底執中之
腔裏天下天下之天下儘至公之神器大矣哉堯舜

之為君豈有一毫之私意於乎天與賢則與賢天與
子則與子賢可禪也詎有拘於傳子子可繼也又何
拘於傳賢二帝公而不我三王我而亦公或禪或繼
其意則同何叔季之天下慨公道之淪沒以天下而
養人天下為之私物或禪禪而或襲用以逞其奸邪
夫何三代以後一何堯舜之多也今天下亦古之天
下何治亂之不一歟古道不可復芳竊獨慕予所
之日月也

春秋義

春王正月

諸

所揭天時之首加之王而繼之以政教之始者所以
明其王者奉天時正五常以一統天下之義也此

經之所以約其辭於正始而嚴其旨於首尾以垂經
世之大法者乎蓋三會肇開以來即有天人之道焉
天有四時而始之以春月有十二而先之以正人物
有萬而首之以王非春無以位四時非王無以統萬
國而月正之建又王者發政施教之大端大本也然
則春夏秋冬為天之經而春為夏秋冬之統曰子曰
丑為月之紀而正月為建正之常故夏殷周之繼天
立極也雖子丑寅之殊建而曰春曰王曰正月則周
不能改乎商商不能改乎夏則春秋者聖人史外傳
心之要典而一王之正法耳權衡天理終始天道筆
削之筆始於書王而春王正月大義存焉何言乎春

公羊傳曰歲之始也然則天時不可不先也王者法天道正天端之意於是焉可考乎何言乎王何休曰受命之元也然則天命之統不可不先也一天下無二王之義於是焉可見乎何言乎正月程子曰為教之本也然則出治之原不可不先也建有極理萬邦之義於是焉可詳乎嗚呼周綱不紐王道衰微亂臣賊子接迹當時而三綱絕矣九法斁矣仲尼天理之所在斯文興喪撥亂反正不以為已任伊誰可於是曰魯舊史竊取其義立大本而經萬世筆之曰春秋正月用天時而立義也存王道於既絕也正王法於既墜也其文則史其義則天子事也其先之以春秋而

之以王者所以明王者奉天時之義也經之以正
月而首之以王者所以示人臣承王政之法也天理
之大經於是乎立禮義之大宗於是乎正天下之大
本於是乎各得其道其辭雖約而其義無窮故傳曰
正月者大一統也董子又以大一統為天地之常經
然則春秋之三百四十二年其是非其廢貶之至公者
天理本原則此聖人憂世作經之旨吁亦大矣哉謹義

漢江賦

漢城詩
上之下

江漢為南國之紀西河為魏國之寶洞庭雄江南之
勝赤壁擅江東之好惟此江方為擅名於東方源初
發於山谷波流激蕩而春撞洎流至於華陽澄深淵

廣而為江幾年俟河清之期秘形勝而不發適遇
聖祖之龍興為洛邑之潤灋祥烟方霽瑞霧方浮
浮涵萬族之紛紜控百川之奔流通四方之貢賦作
一國之襟喉商舫賈舶之往來漁人舟子之畢會壯
天造之湯池實國家之所賴源遠而流長與國家同
其終始噫渡河洛者頌神禹之功涉澧水者念周德
之隆我瞻漢江盍歌吾君之聖明歌曰朝宗于海
事大之誠方不擇細流衆善之聚方納污穢疾包容
之度方淵深洋溢至治之澤方江方江方聖人之
德方

孫皓謝封歸命侯表

增補
別裁

往者不可及徒自獲戾於上天愛之欲其生遽令錫
爵於列土感恩則有反躬河安伏念臣愚其弄兵識
劣擇木紀小典於江左久稽赤族之誅梗大化於域
中實有違命之罪方張天討之日更積鬼殛之兇特
險同於苗夷佇候三危之竄好生並於虞舜優賜五
等之榮夫何含璧之俘遂荷介圭之錫不念舊惡庸
貸萬死之身特私新恩復陞諸侯之列未有蓋愆之
效猥宥含垢之容拖紫綬而耀金章其可謂至德也
苴白茅而燾黃土是以予袞衣芳揆分逾涯銘骨圖
報伏遇皇帝陛下河海大度天地深仁推止固存興
地既收於禹貢好生惡殺威儀復闡於漢朝此臣今

是而昨非許臣始迷而終悟遂令惡德濫及憊官臣
敢不革去邪心服從善教體周雅之屏之翰縱蚊蚋
未堪於負山祝聖人多壽多男庶葵藿倍殫於向日

萬世事業論

武年
卿舉

傳口聖而不可知之謂神夫以道化民吾知其三皇
以德教民吾知其五帝以功及民吾知其三王以力
服人吾知其五霸惟孔子則不可知不可知則聖之
神者也苟贊其道者若譽天地之大褒日月之明非
愚則惑也昔者邵子論孔子之道曰萬世事業果何
所見而名言之也蓋天下之事業不一而曰革不同
焉有革而革者有革而曰者有曰而革者有曰而曰

者是謂皇帝王霸之道而其效也至於一世也十世也百世也千世也惟孔子則生而知之無可無不可集羣聖之大成而折衷之其目也非後目也可曰則曰其革也非徒革也可革則革革之目之與時隨宜通萬世而無弊使吾道之明如日月中天與天地相為始終則可不為萬世之事業乎孟子曰自生民以來未有夫子也又曰孔子之謂集大成者此也或曰孔子生於周末有德無位所謂不世之謂也如非皇帝王霸之命世也寧有事業之可稱乎是大不然詩書禮樂非孔子刪定之事業乎易與春秋非孔子修贊之事業乎三綱五常制度文為非孔子因革之事

素乎是故先孔子之聖者非孔子無以明事業後孔
子之聖者非孔子無以知事業也於戲昧谷寅饒之
後若無燭以代明則天下之目瞽矣唐虞三代以下
若無孔子之大聖則萬古如長夜矣宰我曰以予觀
於夫子賢於堯舜遠矣韓愈氏曰如古之無聖人人
之類滅久矣詎不信矣乎奈何後世之人徒知仲尼
之為仲尼而不知仲尼之所以為仲尼乎若邵子可
謂善觀聖人者矣謹論

問人物善惡策

別試
壯元

對愚聞源清則沅澄表正則影直上有好者下必有
甚焉者矣知其說者可與論治天下國家之道矣余

執事先生發策春園問之以人物之善惡仍及我
朝之事其好善惡惡之心藹然於言表愚雖不敢其
敢默默竊謂天下之生久矣一治一亂人物之生衆
而或善或惡矣然而治日常少而亂日常多善者常
少而不善常多是何多少之不同歟抑氣數有盛衰
而然歟人事有得失而然歟蓋天下無不可化之人
則惡者可化而為善矣無不可為之時則亂者可變
而為治矣可為善可為治也審矣豈可委之於天地
之氣耶不必委之於天地之氣則聖人事也君子責
也豈不可謂之人事也哉請曰明問所及而陳之大
凡人物之盈於天壤之間者總總也林林也其為性

萬萬不同焉然人則通而物則塞人之惡者可化而物之惡者不可化也是故於草木則芳者自芳惡者自惡於禽獸則祥者自祥不祥者自為不祥雖芳者不可使惡者為芳雖祥者不可使不祥者為祥則善少惡多固其宜矣雖委之於天地之氣可也至於人則同得天地之理以為性焉同受天地之氣以為形焉豈必小人多而君子少乎彼芝蘭也春桂也鸞鳳也麒麟也皆所謂祥瑞之物也蕭艾也荆棘也烏鴛也犬豕也皆所謂不祥之物也天地之生此物也必欲為聖人之瑞故使之不常有於天下惟其不常有也以為祥瑞焉若常有於天下則豈必謂之祥瑞

於祥者常少而不祥者常多其之必然矣人之善惡
則異於是焉昔者堯舜率天下以仁則民從之桀紂
率天下以暴則民從之文武好善則民之好善幽厲
好暴則民之好暴非天之降才爾殊也其在上之人
化之如何耳豈可謂之君子必小而小人必多乎彼
桀紂之時比屋可誅則信乎君子少矣堯舜之朝比
屋可封則不可謂之君子必多也幽厲之世桀克盈
庭則信乎小人多矣文武之朝多士濟濟則亦不可
謂小人必少也非天地之氣獨清於此一時也由堯
舜文武化之得其道也非天地之氣獨濁於彼一時
也由桀紂幽厲化之失其道也三代以降若秦若漢

而唐而宋善人愈少悛人愈多秦之李斯趙高漢之
王莽董卓唐之國忠林甫皆是奸雄之尤者也特甚
於古之小人也然人心天理未常泯滅而有高祖之
君則有蕭曹之相有光武之君則有寇鄧之輔有太
宗則斯有房杜矣有玄宗則斯有姚宋矣若使漢之
君盡如高祖光武之寬仁則其無蕭曹寇鄧之賢臣
乎唐之君盡如太宗玄宗之英特則其無房杜姚宋
之賢臣乎然則是可謂之君子必少乎昔之人有論
魏武者曰治世之能臣亂世之奸雄彼操之奸雄無
異於斯高莽卓而楊李之徒猶且為治世之能臣則
之奸雄者亦足為治世之能臣矣人之可化而為

善者此也。若趙宋之朝，天下無事，朝廷清明，五星聚奎，羣賢迭出，頗有以接乎道統之傳，則治道可軌於唐虞矣。當此之際，君子多而小人少耳，豈可謂之不能復古歟？由茲覘之，聖明之世，非無小人，而小人道消，則皆將化之，以為君子也。必矣。衰亂之時，非無君子，而君子道消，則君子韜光晦迹，為一君子進，則眾君子各以類進，而君子多矣；一小人進，則眾小人各以類進，而小人多矣。君子多而天下治，小人多而天下亂。君子小人之多寡，而天下之治亂，係焉。可不慎歟？恭惟我朝列聖相承，重熙累洽，登崇俊良，拔除凶邪，猶慮君子之不盡用，則設薦舉之法，以用之。猶

憂小人之不盡去則亦嚴沙汰之令以去之其進賢
退邪之方誠無讓於唐虞三代之盛際也然而庸恥
之道喪奔競之風行真偽相冒淑慝相混其故何哉
是宜勤執事之問也豈奸者似忠諛者似信求之於
毀譽則愛憎競進焉攷之於功狀則巧詐橫生焉其
辨之甚難也大抵然耳肆以君子不患於不去其邪
而患於不知其邪不患於不知其邪而患於不進君
子斯非務本底大項者乎舜有天下選於衆舉皋陶
則不仁者遠矣湯有天下選於衆舉伊尹則不仁者
遠矣所謂遠者非謂其遠去也人皆化而為善不見
其不仁者則正若其遠去耳然則今之小人獨不可

化以為君子乎且英才俊乂其伏無盡據今之世擇
今之君子直而用之則庶官庶職雖曰不尠而寧有
不足於充位備員之患也耶邪者可使之為賢惡者
可使之為善則何有於曠官病民者也將見羊質虎
皮之輩皆化為賢類言渭行涇之徒皆變為善類君
子人歟君子人矣何慮乎魚目之混隋珠也何憂乎
燕石之雜趙璧也朱夫子有言曰四海利害係斯民
之休戚斯民之休戚係守令之賢否夫監司者守令
之綱朝廷者監司之領誠能在上之人端本清源然
後得其正耳愚前所謂源清則流澄表正則影直人
皆化而君子者是也若曰歸之於天地之氣數而不

容人為於其間者非愚生之所敢知也管班所窺畧
舉其梗謹對

知止堂遺稿第二

芒洞書室和金思齋示詩韵

斗屋蕭々芒洞深有朋
來自遠方尋談論易理
熙魚地妙契江山萬古心

元韵

金正國

為愛先生德器深
畫前元易幾窮尋
閑中探得死中象
酬酢方知體道心

井閣草窩見安處士來訪贈五言一律

多君是我師
渾厚自天資
勉業心期大
真源可致知

次韵

安處誠

南國有賢師
規模後學資
優游函丈處
清意少人

知

觀水亭記

余平生所觀亭榭多矣地勢高爽山水環拱可以遠
覽快心目者則有之矣若深山窮谷之中溪流曲折
至林麓斷處渟泓演迤如江漢之深廣者則絕無焉
余今幸得之豈非天慳地秘而後顯耶於是構數間
亭于川上蓋取其近水而便於觀翫也余觀夫天心
月魄則金壁沉浮水面風來則羅縠生紋薄雨乍晴
則濃淡交映風恬浪靜則潛鱗可數而至於朝暉夕
陰竒態萬狀此皆亭之勝槩也然外也觀其瀾面知
其水之有本觀其清而洗其心之邪穢然後可謂之

觀水也吾子孫勉之哉詩曰

危構臨流夏亦寒老夫無日不憑欄既專谷口雙溪水
姿羨龍門八節灘靜影沉光真可樂晴粧雨抹最
堪觀千姿萬態渾迷眼要取清瀾洗我肝

敬次并序

判書宋公為便養外補者數十年慈氏壽百一歲
而逝服闋還朝公年已八十水擘之探老而彌
篤上甚嘉之特判銓部未幾引年求退於所居
一牛鳴得勝地臨溪等亭額曰觀水以示終焉之
計余亦有老母在金馬累乞骸骨未回天聽今
者恩許來省公之令胤益懷氏時在樂安惠然

來訪目示公所自述長律一篇囑余和韻余自韶
亂蒙公鑑賞獎譽過實平生樂慕而歆艷之既未
能退養素梓甘心榮宦蒲不知止望公終始全節
能無愧生於中耶謹賡高韻並述鄙懷以資閑中
之一覽云 嘉靖十八年秋八月二十有一日崇
政大夫議政府右贊成世子貳師晉山君蘇世讓
書于退休堂詩曰

雙谷飛湍瀉碧寒青山斷處構危欄練光滉漾朝
含日琴韻琮琤夜響灘跂石最宜秋後釣開窓政
好靜中觀主人心地清如許不用臨池更洗肝

敬次二首

右議政洪彥弼謚文僖

何處逃炎更避寒有生天地作藩欄百年身世同
浮梗千載光陰擬下灘幽賞久從方外得雅懷但
向靜中觀先生清德明於水何用臨池更洗肝
長思南暖土多寒夢入鄉園看藥欄茅屋短檣同
廣廈石塘哀響當炯灘覺來客恨入誰解病後衰
容我自觀再拜老臣鮮土闕渥恩何啻沃心肝

敬次

領府事柳溥謚安敏

惱殺世間熱幾寒歸來土瘠好憑欄跡高上下嚴
陵瀨名重低昂居易灘鏡面精神魚共樂金波形
影月同觀主入心德清如水自有貪夫洗鼠肝

敬次

左二相金安國

謚文榮
芳慕齋

勁健蒼松閱幾寒芬榮旅枕夢初攔開亭坐處偏
臨水扶策行時愛近灘耳會韶音聊寓聽心歡道
體自耽觀人間百世誰堪代日向清冷照肺肝

敬次

禮曹判書成世昌號遯齋

岸回密抱野清寒白髮蒼顏靜倚欄自喜心源同
止水誰知世路有危灘天教壽域山川異人向名
塗夢寐親安得扶筇溪上與與公相對說心肝

敬次

禮曹叅判中允漢

謚文簡

為愛江干草閣寒又供幽事更添攔官從白首辭
新命身向青山釣舊灘動處政須尼聖取盈時還
之子與觀分明水鑑清無累自照何慙見肺肝

敬次

弘文校理金麟厚

謚文河

水氣清冷夏尚寒主人無事獨憑欄
先登自解臨高岸勇退何難起急灘
孔聖德全山並樂蘇仙意達月同觀
軒楹洞豁空中閣俗子終須吐鼠肝

敬次二首

弘文典翰林億齡號石川

百年萊僻野亭寒春水如今上石欄
朝作名臣居初府魯為漁父釣沙灘
平生食蘄真堪法餘事能詩亦可觀
我本年來慵病甚欲隨夫子滌塵肝
霜髯雪鬢照寒筇倚晴川夕照欄
吟罷閑雲生遠岫晴甘踈雨響高灘
迷塗那似回車返當局何如袖手觀
野歎山微今政軟村盤肯歎食無肝

敬次

前奉禮李文捷龍休良

亭下清溪照膽寒
晚年順養愛憑欄
優客欲似波涵影
勇往當如瀨赴灘
不息天機閑裡覺
無窮物理靜中觀
逍遙刺得吾真樂
塵穢何從惱肺肝

敬次

吏曹叅議朴祐號六峯

山含雲影入簾寒
無限清陰月與攔
風約浪花猶近檻
日斜沙鳥共眠灘
渚烟活水平堪畫
茶譜方書又喜觀
謝病解官幽賞地
題詩暫借雪塵肝

敬次

侍講院輔德羅世績號松齋

參差綠影鏡奩寒
百面東坡上小欄
某整幾思童子水
此亭今作老臣灘
天扶德業能神退
地秘清

區盡異觀江海元無廊廟隔晴波朗日照忠肝

謹次

門人禮曹正郎梁鼓孫號學圃

翠壁盤回水鏡寒當流亭子垂雕欄風吹細浪魚
成隊鷗蹴清波雪漾灘白々山雲幽更悅雙々歸
鳥暮無觀仁居智樂公能了昏醉榮名揔鼠肝

遠々源川漾玉寒澗々流注入亭攔秋光颯爽清
波月雲影嬋妍白鷺灘幽興每仍閑處熟登瀛聊
着靜中觀名成勇退如公少羸取水採濯肺肝

謹次

門人弘文副修撰安處誠

弄琴鳴玉水聲寒爽骨清魂倚此攔入壑乞骸疏
廣墅一絲扶鼎子陵灘題名孰愧韋公睹有術方

知孟氏觀心照碧波之照我先生端合伯夷肝

謹次

門人弘文應教宋純號企村

畫閣玲瓏俯碧寒每憐澄淨獨憑欄涵秋洗鏡開
平鋪噴雪晴雷下急灘故潔此心曾合契淵源一
孤也冥觀百年交養知如許冰玉淨峰照肺肝

敬次

同知鄭士龍號湖陰

又辭榮祿為盟寒魚鳥欣近繞藥欄疏傳出都傾
祖席子陵歸釣有烟灘以庶養志皆真樂歎逝臨
流極靜觀撰屨何時據上去惠施冥趣照心肝

敬次

弘文副應教吳謙

亭臨幽澗水光寒為愛清澄獨倚欄尚有憂邦文

正志初非忘世子陵灘期老壽自關中得知足心
從靜裡觀千載聞風猶激懦餘波分與洗塵肝

敬次

內宰判官姜終壽

卿月光臨壠上寒溪雲猶愛宿朱欄已將勲業歸
青史却把蓍龜老碧灘清操難於今世得高標端
合古人觀欲傳勝事須詩句愧我曾無錦繡肝

敬次

前水原郡守鄭希弘

歸亭蕭瑟挹溪寒杖屨逍遙更倚欄紫鳳政須招
舊老白鷗還欲下前灘水哉有本閑中得逝者如
斯靜裡觀愧我滿腔塵未洗願從夫子雪心肝

敬次

三首

羅州牧使金益修

吾公性度好清寒乞老歸來卧竹欄更起危亭依
絕岸每臨幽砌聽鳴灘本心已自盈時得至理復
於動處觀歲晚相親真不今多慚冰玉照塵肝
數間精構俯紺寒政合幽人獨倚欄秋葉露澆丹
似渥晴川水落淺成灘淵源自與高情愜玉潔邨
容俗眼觀為乞先生分斗碧夜深花月洗心肝
觀水亭前雪色寒先生今日許凭欄山頭旭々迎
新景水下瀧々聽石灘赤葉黃花違宿約青松綠
竹政堪觀那時不得相追待徒使吾誠記肺肝

此言未遂賞秋之約而
冬日亦有可觀之處矣

敬次

潭陽府使盧克昌

深秋爽氣襲人寒撥刺游鱗拂玉欄已見里門通
德榜還隨別業富春灘歸來自足風雱詠逝者應
為智者觀自是高標清配水澹然相對照心肝

敬次

茂長縣監柳泗

鷗盟晚日未宜寒斷石臨流起曲欄山勢任形高
下影魚群得計淺深灘一竿正落調元手萬象全
輸博物觀行道葆真俱不負更緣何事熱心肝

敬次

大司成鄭順朋

蕭洒幽亭近水寒常著碧色射危欄橫吹雪沫風
搖浪亂碎金鱗日照灘宮微每從空裏聽鳶魚時
向靜中觀悠然自愛清如許長得披襟更滌肝

梅堯孫公鳳翔欲成此詩而明齋先生曰已以前其惡未著何以此詩乎云故仍存焉

伏次

子都事益懌

山含爽氣水含寒都入溪亭繞曲欄
散百東坡搖寶鏡成三太白動清灘
錦鱗游泳真堪賞雲影徘徊亦可觀
仰讀家君詩與記凜然庭訓合銘肝

記行錄

嘉靖十九年辛丑元日道伯使審藥奉諭旨書狀

而來拜跪而見之則乃除為議政府左叅贊斯速乘
駟上來之命也陞擢之恩出於望外第不勝惶
感自度衰老之身不能遠赴而竊念天恩罔極報
效無由惟扶老上去甫謝而還差可少酬而盡臣子

之分也於是治任將發適春寒太甚至二十日始啓
行飲餞于黃龍野冒雪宿長城府翌日至片邑則申
兵使王衡金古阜守濬亦來相候矣翌朝憩泰仁文
宿金溝則金堤倅鄭世臣萬頃令李孝完亦來翌日
行至叅禮川邊則子益憬自樂安任所來謁于道左
隨行入郵亭與新兵使李夢麟相會矣至益山訪蘇
相世讓於本宅仍留宿公館翌日厯礪山秣馬于川
上至恩津而宿縣監韓兼以護送差負隨行翌日宿
尼山翌日宿公州翌日宿全義邂逅金副正瑞星宋
僉正世珩蘇慰可勝翌日厯天安晝飯于中路供億
頗精當夕宿稷山翌日宿振威翌日宿龍仁二月初

吉入京城翠朝詣 闕謝 恩旋即乞骸 上教之
曰卿之清德與年俱盛予甚嘉之故除卿本職勿辭
姑留又 命賜酒於慶會樓南門感 恩之至不敢
更辭而退居數日患泄痢至十四日始赴都堂之會
厥後又以下痞在告踰旬口焦唇燥飲食不甘惟飲
醪酪桃仁茅粥以此精神氣力漸至漸盡每有辭職
之志而未果適聞老病沙汰之令乃謂人曰 朝廷
之中老病不治事者非我伊誰吾之辭退此其時也
即寫陳情之辭數幅歲之至十六日扶掖詣 闕先
進政院時連日不能食一匙飯仍此氣之不敢陳白
只以所寫陳情之辭投承傳以達 天意有難知而

第一象 允則吾之幸也假或不 允姑待病愈更
辭為計而趨進 內殿之際不無顛仆之虞且口焦
唇燥將何以供對耶慮之至此同知攸措忽聞 上
已坐便殿不得已隨承宣扶入於 御榻之前則目
諭許可之意 天語溫而不厲遽 啓曰小臣耳
聾不能詳聞 啓之至再 上使見注書記事之尊
然後畧知大槩其辭曰近來貪風日滋廢恥道喪除
卿本職欲為表則而今見卿陳情之辭忠切故黽勉
從之云云覽訖退伏西偏心神恍惚如醉如夢不能
啓一言而退比還旅寓勞憊益甚僵卧房中元氣
堇如一髮無計生全忽聞有 下諭本道給食物與

米豆四十斛之

命聖恩稠疊禮當即謝而病未能

進經旬後沉痾漸去稍知食味至四月十一日臨發

下直于光化門外兼達謝箋上為遣注書諭之曰

卿之箋辭覽之已詳勿謝此亦慰諭之教榮幸無

比待司謁出來依禮內闕四拜感淚自出觀者如

雲遂乘肩輿由東大門出南伐原則三公與二相三

宰先到以待矣先是政府堂上非得上旨則不得

出都門故三公預令舍人進政院以門外餞別事

啓稟上許之時適久旱方嚴酒禁只以白飯牛頭

餞之牛頭即祈雨祭餘膳也食訖拜別歷入成均

張幕則二相人安國三宰權撥刑曹判書柳仁淑

戶曹參議張樂司成洪德實皆不期來會各餞一
盃而別又歷吏曹帳幕行近漢江則日已午矣兩湖
朝士畢會各餞一盃比至江頭則舍人司已設帳幕
於船上名花畢集歌管填咽舍人宋獬壽金魯檢詳
羅淑次第行酒先生參席者曹昌寧繼商權判事應
挺而巳傷近一船朝士皆會問之則乃鄭左尹萬鍾
曹副正禧宗應教世珩尹正郎衢李奉禮文捷輩也
日已傾西移船相近各飲一盃遂告別暨至沙平則
宗親春陽令與別坐李永祥習讀金瑞雲等亦來餞
行至果川兩宿翌日到水原則京畿監司李若水會
諸子走蓮臺絃歌迭作酒行無筭使相慇懃之意可

拘也都事韓崱亦與焉翌朝監司直至寢房浣容叙
別日晏而宿醒未解厓到振威而宿翌日宿稷山
翌日宿全義十六日至公州錦江則忠清監司權應
昌預輩都事白仁賢迎慰于江上望見彩鷁橫江兩
旁各繫小艇皆設帳幕紅粉四五隊列坐江頭矣是
時子蓋慄自樂安來比登船上都事入謁遂與對坐
俄進酒饌觥籌交錯衆樂畢陳角妓十餘戴花冠相
對而舞殆若神仙焉叅席者本州判官及成權始與
察訪興樂安令而已酒半有尺魚躍入舟中撥刺席
上特一奇事也即令還放則橫卧水面若半死然此
火獨傷所致不得已就烹何恨如斯酒闌日沉光起

然寢有數十妓各執樂器跨馬前馳蓋都事娛賓之術也乃痛止之翌朝飲餞于大廳而別至尼山西宿翌日由恩津而西點心于中央縣監出待以豐饌矣歷寵安至咸悅聞監司來仍宿以邀之翌朝監司與都事果有赴期亦優禮供而一言之發皆出底心上又使縣監陪行當午至臨陂而宿翌日至新倉津頭登樓駐飯縣令金錫洪進餞歷萬頃至扶安則食飲失時有枵腹之歎翌日冒曉而行遇兵使于路古阜倅亦來與叙暄涼班荆酬酢而宿興德翌日至高敞日未午要除路困從客休憩翌日乃念二也當由徑路而涉險還家故舍肩輿跨驂馬行至茂長之境縣

監出待供帳甚盛矣踰嶺而至耳巖川邊鄉族畢會
各携酒果近慰至船防山麓遙望先壠而拜迺遞到
觀水亭小歇及到家則稚子候門僮僕歡迎其喜慶
為如何哉八十三歲翁千里跋涉無事生還亦一大
幸故畧記顛末云

東大門外紀金慕齋祖帳詩韵

交游半世同師學出仕平生共寵榮
群哲盈朝吾獨去東門可愧二疏名

元韵

金安國

接畫簷恩真出異傾朝租餞更為榮
清風不用憲圖播百世事聞汗簡名

次宋掌令統別章

君有尊師我族親
好將詩酒樂餘春
心談此日相虞受
晚節猶期德業新

耆英亭宴時記

余年八十有五
老病交侵
死亡無日
曾是不意去七月七日
政以特旨陞崇政大夫
又於二十六日政拜判中樞
惶懼感激
圖報無地
時監司宋眉叟行仁政尤善於養老
矣聞我特蒙寵恩
喜我別賜褒命
欲開宴席以賀之
預令羅牧若本倅同往
森溪地卜等宴享之所
蓋為公私舍館狹隘
難便於大設也
兩邑官負以使相之令
一時馳到
果於觀水亭南邊

得可宴之場山回谷轉地勢夷曠上可坐數百人俯
挹清流可以手掬其勝狀也亭既告成監司以二十
七日自珎原直到觀水亭與我相見翌日邀我於新
亭克設宴禮近邑守宰十人亦與焉羅州牧曹侯禧
掌禮其儀容之盛饌品之豐曠世所無也酬酢揖讓
一依漢禮傳杯進饌皆以官負任之諸邑妓工但奏
樂而已環亭而觀聽者亦不知其幾千人焉飲禮已
畢監司命重開宴席別致慇懃之意觥籌交錯衆樂
迭奏先之以定業之曲鄉樂如處容之舞觀音之贊
拋球之伎發掉之歌凡可以悅耳目者無不畢陳與
衆共樂極歡而罷不覺金烏未西區此窮鄉僻巷千

古所未聞之盛事也先生年垂九十特荷 聖上之
恩道主宋相國祗承 聖眷以赤心待之又以耆英
名斯亭經賦七言一律俾揭于標上要待後之人觀
覽則真一大幸也故記其事以貽吾子孫也 嘉靖

癸卯九月初吉稿

時都事高雲
本倅徐君緯

千古湖南閔幾侯相公治化自身修一心寧有二三
德百廢俱興五十州異日難忘今日會他年可想是
年秋箇中何事堪招恨最恨鄧公挽不留

元韻

監司宋憐壽

謚文正
張圭卷

湖海維靈有我侯一生冰蘖苦清修 主恩稠疊
連廩賞孝意純深數乞州架挿二三千卷帙年高

八十六春秋耆英亭上成佳會移八冊青萬世留

家訓

七八十

子朱子有詩云萬事不求忠孝外夫人之為人只在
忠孝而已則亢動靜云為之際事之上萬殊一統者
不外乎忠孝二字矣何者博學慎思節儉寡慾是忠
孝之人也閑邪存誠立己濟物亦忠孝之人也至於
敦睦善俗篤信經世何莫非忠孝中出來則忠孝然
後吾必謂之人矣嗚呼人而不孝人耶人而不忠人
耶孝不孝忠不忠顧其人之人不人如何耳念我子
孫敬哉戒哉 嘉靖二十三年己巳正月既望老翁
書屏

陶公拂袖感行休應悟迷塗欲避愁何辜方今逢
聖代肯將吾道付滄洲要領言志兼風詠且冀委心
任去留追和圭菴小女韵恐君皮裡有春秋

伏足上韵敢題一版

子判官益懌

既成春服興難休風詠而歸可散愁如滯清江橫
曠野割霞孤鷺落長洲自慚徇俗忙中苦安得逃
身物外留林下無人曾有恨此間雙鬢已驚秋
嘉靖二十五年丁未春稿

兵馬節度使李公墓碣銘

公姓李諱胤宗光州著姓考諱時止

贈嘉善大夫

戶曹叅判祖諱校

贈通政大夫工曹叅議曾祖諱

順

贈通訓大夫司饗正皆以公貴推

恩也時止

公娶將軍盧濟女生公公生而異狀器宇弘深狀貌
疎偉既精武藝且該文理歲丙申中武科已亥撰重
試歷官內外皆有教已酉除龍川郡守癸丑除鐵山
郡守丁巳超陞折衝蒲浦金使節制使其丙寅除昌
城府使已巳除全羅兵使辛未除忠清水使其後歷
長興長湍順天三大府所至皆有成績公以年老退
居靈光森溪之舊廬廷議優之辛卯秋特陞嘉善
金橫帶游行自由絃管觥觴不離於側脩然有古人
風癸巳七月二十五日卒享年八十三同年十月初

九月葬于佛庵山坤坐艮內之原同月十五日

上遣民禮曹正郎琴椅賜祭之存汝皆有榮公娶

晉州鄭氏生三男二女長女適生貞朴嚴孫生一女

適生貞崔房仲長子元純禦侮將軍南桃浦萬戶娶

金氏生一男二女男曰榮白次子元純次子元徽中

巳卯生貞壯元連捷魁科授翰林先公亡翰林娶吳

氏生二男二女男曰還白遂生第二女適進士崔鶴

岭公繼室所氏生男元經娶金氏生二女適公家無

厚畜可知居官之清閨門肅穆可知治家之嚴鄉黨

悅服可知待人之化德厚流光子孫緜久公之福蓋

未艾也嘉靖十三年甲午二月日嘉善大夫行全

羅道觀察使宋欽謹誌

解頤錄

南州有半刺者某言偽行怪外若儉素內實貪吝上
官與已合者則事之如父兄若簡者則陽為尊奉心
實忌嫉焉一牧使性本簡約到任二年為監司所將
即賦歸去半刺喜形於色畧無勸留之心遽設東門
外之祖餞而自是獨擅一州之權允致子女金帛無
不如意終當新牧使來幸與半刺氣合陰投而前官
制度悉更措置民不勝煩哥伊時新牧春車之來也
半刺使其妻妾出迎於中塗此前古所未有之事也
以是兩衙番問不絕有時各携妻妾會於宴舍樓上

竟夕挫歎管絃喧咽一邑動擾如此者數矣無知蚩
氓瞎望咨嗟而有識者咸曰近年以來水旱相仍飢
饉荐臻官負耽樂猶且不可况衙眷屢出公館遊戲
無度耶蓋半刺初雖喜得其上官久乃厭其太煩未
幾陽墮牀下足病而歸牧使亦被臺彈罷去歟後半
刺語人曰吾閱上官多矣簡者雖名不快豁而官無
弊故無疵下官亦蒙其德煩者雖有一時之快豁允
應接之擾供饌之費下官實難堪當古人云君子交
淡若水小人交甘如醴非但可施朋友至於上下官
亦如矣聞者信其半刺之悔悟也世之官人盍戒于
茲戒哉戒哉

有一老斯文出倅南州有二嬖妾各有子隨至任所父皆鍾愛常占營產之謀遂使二子要索請謁分日攫利凡田民之訟不問曲直點着齎賄之多少衙門如市廛矣一日一子告于父曰某品官欲監納米穀倘獲所願當以某所在好田地將與之云欲立家產捨此何為父領之即令監納數月之間所得米穀幾至百餘斛自以遂計豈料蟾蜍謀之一日又一子請問曰某品官有良馬價直五百匹倘為還上監考則必以償之云此馬射場獨步欲試魚司僕之才不可失也前者受田之子從旁爭之曰某人難得監官未滿一年遽見它人所奪其不冤乎兄弟相閱父斷之

曰鴟鳩之患貴乎均一其人喫利倍徙可使馬王代
之即日改差則前監考退謂人曰祖上傳來數十頃
良田一朝妄與衙童者豈爲數月監考而止哉聞者
鄙之世之官人佐鑑于此

海陽有一年少者朱愚且狂目不知書也一日忽起
求官之念而時值農月不計炎程促治行裝急抵洛
鄆趨謁于族親韓相國致亨韓相怪而問曰汝之遠
來志欲何爲荅曰欲做好官韓相曰何等好官曰吾
於居鄉時所觀別星多矣未有若節度使首領官之
華顯也二者不可得孰姑爲首領是吾志也韓相掩
口捧腹督令還歸焉甚笑人之宦欲無恥皆然何獨

責於愚狂年少乎惟彼起等者亦不知昏夜乞憐之

恥豈勝駭憤也哉

右解頤錄即勉已警人之語則可示乎未者而曾失於兵禍三此三

篇寄遺於家狀中

概眼其不全也

次題山陽東軒

富庶知何代清貧此一時視民猶保子為政可觀池
地僻朋來少天長鴈到遲題詩人莫笑沒字未為碑

次題山陽館

三載登樓一未閑心勞政拙不如還愁深宦海風波集
夢繞江村泉石間荏苒光陰雙轂轉倥傯簿領二毛斑
先生言景我言志今古何須一據看

次題箕城東軒

辭職南來卧海邊光陰容易損青年肥甘難繼堂
堂下魂夢還尋玉陛前心穩何嫌一身屈詩成敢望
萬人傳如今謬入龍門上自訖吾生亦友賢

次題綾城鳳栖樓

勝地聊偷半日閑
倦遊隨處可怡顏
黃花白酒濃秋興
細雨斜風作暮寒
簾捲東南山似錦
月出樓閣客憑欄
使君珍重開青眼
懷抱何為不自寬

次題興城亭閣

少小曾踏太華峯
白頭豪氣尚生風
幾年奔走紅塵裡
今日留連畫閣中
飛棟浦雲朝靄
捲簾山雨晚濛濛
使君游刃無難事
為政方知在夢通

次題山陽列仙樓

推擠不去已三載
誰肯挽留如鄧攸
喜幸心同毛義檄
登臨賦異仲宣樓
倭奴負德熊川上
大將屯兵蛇水頭

頭自恠勞心還自解君恩報了始閑遊

又

拳搆凌霄危百尺高明不合俗人居涼生磔石流金際
興八吟風咏月初北海閑愁付杯酒東坡歸計墮空虛
登樓每讀楊原句撚斷雙髭媿不如

次題山陽東軒

壁上題詩儘巨公謾將名姓問豪雄青衿烏帽宦情薄
白石清泉歸意濃舊館菁條經幾歲新樓迢遞插空
中龍鍾數載成何事留犢懸魚媿古風

醉臥

健上人

平生乃必醉中

一盡掩書卷

當玉山
新德求
新名開
如如如
如如如

知山有崔氏文
先生志山若
知山志山若

白山陽東軒題詠以下八詩皆遺稿刊後追得者而其中所
贈健上人詩則乃先生手自揮染者也先生筆蹟與沈無
傳而惟此一紙藏在僧舍不知其幾百年今始得使人愛玩
重正如隋珠崑玉愈索而愈珍豈不奇哉茲乃刻於板以
遠正以附錄於此云

知止堂遺稿第三

附錄卷之六

中廟朝賜表裏教旨五度

諭順天府使宋欽開圻

嘉爾清白卓爾特賜鄉表裏一襲爾其領受事 正

應六年七月十三日左承 旨沈次知

問卿表裏之義是湖李爺選答曰自
除以我國緋段備給朝衣表裏之具則遂下洲李之

即我國緋
段之謂也

諭礪山郡守宋欽開圻

嘉爾清白卓爾特賜鄉表裏一襲爾其領受事 正

德十年二月十七日左承 旨李次知

諭全州府尹宋欽開圻

嘉甯清白卓爾特賜鄉表裏一襲爾其領受事 嘉

靖二年十月十三日左承 旨趙次知

諭羅州牧使宋欽開圻

今仍觀察使李思鉞所啓知爾自為光州時薄賦慎
刑廉謹已著民有去後之思予甚嘉之賜鄉表裏一
襲以示褒獎之意爾其體予至懷終始不渝故諭

嘉靖六年九月初十日

諭潭陽府使宋欽開圻

今仍觀察使趙邦彥所啓知爾清白勤謹人民安業
予甚嘉之特賜表裏一襲以示褒獎之意爾其體予
至懷終始不渝故諭 嘉靖九年六月十五日

陞嘉善諭旨

諭長興府使宋欽開圻

爾有清白之行操履簡約自少至老如一不變故朝
議咸薦予甚嘉尚特賜嘉善以示勸礪庶恥之意今
者農務方殷勿爲上來謝恩事 嘉靖十二年四月

二十三日

全羅觀察使諭旨

至若曰人君不可獨理賴臣隣之輔夾上情難於下
究資屏翰之宣承苟臨民之非人奚王澤之下及故
虞有岳牧之職周置侯伯之任茲皆宣上德而達下
情抑亦親民政而察風謠任既重矣責豈輕乎願予

眇末之質績承鴻休之基兢惕圖治夙夜未遑宵旰
二十年餘化未孚於遐邇旱暵五六載間歲已極於
凶荒民有阻飢之厄野多愁歎之聲是雖由憲德之
攸致亦豈非宣化之不稱念惟全羅之一道實是南
方之巨藩地大而物重事煩而務殷貧弱者無立錫
之地豪猾者有連阡之田苟澄清不得其人寧保登
能盡其術惟卿性尚清簡志裁煩冗曾守數郡盡心
撫字蔚有聲績今委一道生民休戚寧可少忽茲振
威聲黜貪夫之蠹國載懸心鑑茲庶吏之奉公克刻
偷靡之末風毋拘因循之故習繫大辟稟予裁決自
通訓任卿處分於戲寄卿專而眷卿至既分九重之

奏念予言而副予望宜盡一方之責故特教示
知悉 嘉靖十二年九月二十四日

辭職狀 批荅

方面任重不可輕易遞差是在果卿母時年九十九
乞辭侍養為良結辭意思迫大關孝理特允所請本
職遞差為去乎卿其知悉 嘉靖十三年二月十日

本道監司處 諭旨

右副承 旨書狀內近來廉恥道喪貪風日熾民之
憔悴專由守令之侵漁故貶黜之事再下諭矣然
守令察訪僉使萬戶中奉公清謹撫恤軍民者亦
無之其實跡高下俱錄以聞則當舉慶典以示勸勵

之意為乎乙事是乎等以卿其備細聞見書啓為幸
矣前判書宋欽清簡老猶不改上下皆知但帶宰相
之職而退居外方不當故已令遞職矣食物則連
題給以示嘉獎之意 嘉靖十七年己亥九月二十
六日

明廟朝遣禮官祭文

禮官即正
郎李瑛

惟卿性本溫醇行篤簡潔處已無枉裕以學術早捷
科第歷敷清華所履職舉義聞弘多歷事累朝鑒
烟補闕置諸卿相儀甫鵠列瞻望白雲邈阻海隅愛
日心長屢乞南符樂在養志老而不渝皓髮斑衣譬
卿者寔還朝未幾克遜荒野微而不起願神保用

嘉者處擇世崇班年古薨薨望深經濟子擬著龜鑑
導不逮天胡不慙查乾寔安聞計以未廉堪憐惜前
遣禮官遙奠淵酌神其不昧庶幾來格

知止堂遺事

安貞敏瑋判銓時建議 啓曰明經術有行義之儒
不可以拘循資級例調一命請授不次獎礪士林當
時聞望之士趙光祖金湜朴薰鰲江特除六品職金
安國金淨宋欽潘碩枰判樞亦請薦拔皆賢大夫也貼

已卯
賢錄

崔益齋淑生時為都憲上劄請廢清白吏 上命三分六
卿各薦其人工曹判書安環 啓曰在官之人則宋

欽朴祥為最宜加褒獎吏曹判書安瑋又以宋欽金
淨啓達 上命兩人不計介滿臺諫侍從隨閣擬望

以示嘉賞

右見政院
甲戌日記

全羅監司金瑋以礪山郡守宋欽長興府使金延壽

澤陽府使朴祥廉謹奉公馳

啓

右見政院
丙子日記

政院吏曹同議抄選清白吏前監司宋欽與檢詳李

彦迪等五人俱與焉

上命加嘉義階宋欽詣

闕

謝

恩從仕五月以左尹上疏陳情辭職

上特許

之

右見政院
戊戌日記

戊子十月承

旨宋欽上疏大槩本以遠方寒士

成廟朝登第歷仕侍從臺諫以老母在堂不忍遠離

前後呈辭七度

右亦政院日記

辛丑四月左叅贊宋欽辭劄大槩臣之殘骸餘喘不保朝暮之狀前既屢煩章奏不敢復有覩縷而乃於入謝之日特被晉接之命仰瞻天顏得聞王音加以榮錫需雲渥沾湛靈感懼交并猶祝難狀自度此生糜身粉骨實無圖報將以銘肝鏤肺只期重泉之結草而已況且特許畢命田廬使草芥昆虫之微得以隨分自養於生成之大德拜辭門外涕淚迸泉之至

右亦政院日記

嘉靖壬辰

中廟教政府曰廷臣有清節素著至老

不變為衆所信服者啓之以叅贊趙元紀

謚文對

命超階崇政蓋元紀居官廉潔官駟及白直堂封之
餘必先周姊妹以及門黨之孤寡自奉甚薄晏如也
其陞嘉善資憲亦皆以清白褒之也當時宋參判欽
以清素恬退與元紀齊名累階一品右見東閣雜記
又見國朝寶鑑
命世書行于世即判府事宋欽所製也右見說
峯類

一代文人志行之士甚夥而判府事宋欽為世所推

重

右亦說
峯類

許草堂曄曰崔應教溥

錦

羅州人也宋正字欽重光

人也同時

廟朝成

至堂俱受由下鄉相距十五里一日

正字訪應教於家語間應教曰君騎何馬來耶正字

曰駟也應教曰

國之所賜止于君家自君家至吾

家乃私行也何至來耶應教歸朝即落此意
罷之正字未辨於應教則曰若君年少輩後當操心
可也正字曰是教也蓋祖宗朝士大夫奉法朋友
間勸礪服義於此可以想見也

右見前言往行錄。

錦南崔公居在羅州城中文公居在靈
光森溪相距五十里也十五二字恐當上下云

錦南集曰錦南崔公嘗被戊午吏禍謫端川至甲子
燕山將按律拿來也宋公欽要於路問曰若至不幸
則有何餘憾耶公答曰父母山所在務安石物未克
營立且末女未及成婚此為遺恨宋公答曰此則吾
當奉以周旋其後宋公為湖南伯為之立石墓所女
婚則與金應教自修之子零定行人皆體之

崔處士彙曰知止堂宋先生以清介賢名取重於當

世

右見企村
行錄中

企村遺稿曰嘗作孝思堂于先人舊基宗丈判中樞

宋公作記曰欽之曾祖某公之高祖希璟

号老松堂

之弟

也欽謚隆一品追贈三世希璟顯我之後三世不違

公志以顯我追贈二品可謂孝思也已且公考常痛

少孤失業公承其志得君揚名與我同被國恩

公年齒猶芳它日所就詎可涯溪欽則時年八十九

更復何望云退溪李先生書于吏曹參判宋公泰

墓碣曰公之系派宋判書欽之孝思堂記乃備焉

堂記知止堂本孫既失於兵燹正村子孫亦
失於兵燹故未由得指全篇此亦一大恨也

宋修撰純次宋奉事益忱餞別詩曰先祖積德久不
徵新平緒業傳何遠大人清直鎮污世風聲高邁凌
青霄勤理三年領吾府民俗但知歌舞苑聯派小子
仰餘化不見一塵留清瑤雖將末命繼後先無異燕
雀鳴啁噍敦親厚意只獨知不受外謗紛喧囂吾門
終始仰高山咸願壽福迺且遼況君才兼文武義萬
斛智慮登明朝將相無種可相勉片心共指雲外
鵬云々又註其下曰是時奉事尊大人同知令監知
潭陽府治以同宗睦愛景深故語全及之矣蓋同知
公與先君同高祖而門祚不替同知公得繼餘緒歷

敬清要余亦幸登科第出入顯列謂是祖先默佑之
致常加教育無異親子弟而同知公自少至老只以
清白自持一代士林咸尊尚之

祐見企遺稿

辛省齋應純曰判府事宋欽號視瀾貫新平可元之
子也為已卯士類所推許及士禍起竟見駁責凡為
邑宰盡心供職廉潔罕比前後表裏不知其幾至錄
清白吏及退老自朝廷擢耆英亭令方伯連續設
宴其累朝獎眷如此清修引年優游於山水間日
以涵泳自娛至八十喪母猶執喪禮廬居墓側每臨
饌器慮用肉汁必審視然後乃進

右見善行錄

孝憲公與金司諫崇祖少時同翫山川歷遍關東自

楓嶽至松京默契千古指點物色之際有十數官人
會飲于山頂從者織路暴令禁馬仍使捉來二公知
其不可脫停鞭進前則在座皆士大夫也責以騎掬
欲困侵二公曰吾輩乃湖南寒蹤也遠聯近連周覽
勝區豈意墮入厄境耶大夫曰君等能解文字乎呼
韻輒應則不但免罰可與吾遊也於是四韻字之旋
上續呼而二公輒足應聲矣其詩曰春風匹馬松都
路訪古行人意甚閑涿水至今鳴礮谷浮雲依舊鎖
峯密千年城郭夕陽外一代衣冠春夢間姓事悠
何處問故臺無主野花斑上三句司諫公之作下一
句孝憲公之作也大夫相顧歎賞欣然迎坐打酒甚

歡有若素交焉

右金斯文弘光金系奉和光等家傳筆話

知止先生為人篤實通明謹厚周詳儀觀甚偉德宇
完深溫恭柔色純至孝誠忠恕憲欲振起頽俗累宰
雄府秋毫不犯滿養之外克既飢寒而遽歸之日行
李蕭然清風洒世懿範立懦為措紳之所矜式至於
自任則以黜邪說扶正道為之本家政則明倫理篤
恩愛為之主平生專功義易其右而透得消長真知
屈伸隨時見幾以莫及焉飽飫經史旁通百家所嘗
疏劄等直筆若表策等麗藻不為不多而壬丁之亂
既盡散亡無餘實不勝更把無徵之慨也

右梅整徐公書抄命

明科尹先生曰知止堂早挂堂名歷事累朝既
已卯又遭乙巳前後榮辱終始脫避則非但出處之
可尚而靈光郡地古來賢大夫先此丈之三達尊者

未有生矣

右命賢任
中冬劉記

孝憲公燕山朝黜為南原教授時與巡撫御史會宴
于丑川亭御史先示聯句曰川上亭名曾揭丑孝憲
公輒對曰人間離恨自生寅右家

孝憲公燕山朝黜為南原教授拜不獲赴任所伊時
南原府使待之甚薄及中廟改至復以弘文著作

召實正德元年丙寅也公承召赴京之日府使
出見于客舍因請印出書冊公招胥吏問之曰本館

有冊版耶胥吏對曰校書館則有之而弘文館元無
矣府使白癡之人始知其至堂學士赧然謝罪答公
少不介意還朝後務為覆護由是人服其包容器

字焉

狀右家

孝憲公立朝六十年初為李克墩所斥中為沈貞
所忤終為陳復昌所嫉或乞外任或辭內職未幾還
老以郭泰為師法自號曰知止者蓋前後知幾之尤
也時乘竹輿時扶鳩杖往來觀水亭每與山翁溪叟
雜坐談笑憲君憂國之誠則必發於篇詠康潔覺
雅之操則彌篤於期老至京野衿紳莫不歆豔狀右家
孝憲公嘗守礪山之日郡傍大路無物接賓故別作

釀酒法其酒旨且嘉也名曰壺山春其方文一本
尚留礪山一本亦在本孫家右卷

壺山春方文

將釀一斗米則別用米五升五卷百洗浸
水經夜細末篩過以冷水六碗半作粥候
冷預以好麴細末一升出暴六七日分其
半與真末二合同八米粥作酒本過六七
日以來一斗者洗如前蒸熟作飯候冷
以冷水十二碗及麴末曾所分置者五
合和勻於舊本新飯釀之六七日後用
之

世傳此酒礪山所釀箇之清烈終
始如一其他則雖依法釀之色
與味皆不如礪山蓋以水味不
同故也然則其所作此酒於礪山
者亦可見格物之一端也

李憲公每於出宰赴任之際新迎馬只三匹也蓋公之所乘者一馬而母與妻各一馬故時人補謂之三馬太守後人或有所拈此出題作詩

狀右家

李憲公於羅州還歸時監司別使軍官暗要中路搜探駭裝則只黃簷一石而已遠通聽聆莫不竦然歎服

狀右家

孝憲公齒高爵高莊栗自持而與鄉人處隨問詳答功不存矜高之色只以義理上諍言從容提扁而已常戒其子弟曰爾曹以惠人濟物為心若侵人妨物

之事則一毫不接於心術可也手書馬按家訓一通以貽之鄉人至今稱之狀家

孝憲公平日地倅來則趨出大門外迎拜而送歸之然至於入官府望衙門必下馬恐懼若賤人焉或者曰大臣處已無已太過乎孝憲公曰我土民也彼土主也不以貴加於土主者土民之分也狀家

聞欽之先生徵授礪良成七字句 朴訥齋祥

先生小子道相須兩地榮枯聽大爐南國百年同系物秋風五馬獨亭衢紫泥 恩命元 明主白省丹心信老儒自分不才無日起釣舟隨意泛西湖

題洗心亭

朴訥齋

壬申春祥象告 經懷觀省光州還京道
礪良下主俸宋先生欽置酒餞行清州判官

柳君沔未至仍索韻得五
十六字簡于欽之宋先生

漫山雨意未全消滿壑晴雲漲似潮一樹梨花簷外
朶數行楊柳檻前梢客浮大白窮投轄君酌貪泉笑
盡瓢南國百年同出處濁河齊力馮阿膠

和欽之先生季子益恂詩

朴訥齋

深山巨澤龍蛇蕃釋氏抱送光映地十五翻二富文
史揮毫鮫淚凝滿紙詩句搜來造化窟分明鬼神國
駟使天縱之聖畏後生况我區區豈易彼代隼秋雛
毛畫赤驥子早已無萬里人間實少萬金散學術又
誇趨連鯉大科終能拾異等才名直出班散騎吾家

於此愧生豚累月安置鞭笞裡老形已具人所違沾
泥絮肯著細膩書籍欲付王公孫首回壺山愁欲醉
宋判府事壽賀

金南彪亥成

浮世何須限十旬千年應閱碧桃春元精常駐藥無
補至論有稽龜未神崇秩新躋台鼎亞從珍行見
聖明親遙知南極天低處一點祥光是老人

過耆英亭故壚有感

金秋潭文俊

聽說相公致仕年 君王賜宴此林泉主菴王節臨

花底高氏蓮帷

時却事高雲掌鋪陳

倚水邊三尺畫屏摸勝事

耆英宴亭時畫出其勝狀

一時瞻望擬群仙豪華去盡遺壚古烟

日惟聞哭杜鵑

次韻

李杞泉喜熊

昔日今時隔幾年
繁華遺跡付流泉
耆英堂破青莎
畔視水亭頽碧
砌邊清德由來
疇佐匹功名成
後顧
庭仙誰知事業
曾如許惟有深
林啼蜀鵲
崇禎九
年丙子暮春



知不足齋

三



知止堂遺稿第四別錄

判中樞府事兼世子貳師宋公墓碣銘

我中宗朝湖南森溪縣有賢大夫宋公諱欽字欽之事母孝居官清位登崇班年踰大耋而終今距公卒之歲嘉靖丁未適一百三十有七載矣公之七世孫命賢以其親命來示公事蹟一通圖所以表其墓者極謹受以閱之遂為之竊歎曰公之名德之盛如此而尚無數尺之碣豈後裔之貧即公清白之所遺也謹按公之先新平人高祖玄德判司宰監事曾祖龜贈兵曹叅判祖處殷禮曹正郎贈禮曹判書考可元文昭殿叅奉贈右贊成妣河東鄭氏生

貧弼周之女公以天順三年己卯三月十三日生
化庚子登司馬弘治壬子釋褐入玉堂為正字值
山昏朝退廢丘園以訓誨後進講論經籍自娛
至戊丁外憂服闋除南原教授中廟改玉復以弘文館
著作召還歷博士修撰司諫院正言獻納兵曹正
郎全羅都事司憲府持平為母夫人年高乞外連補
寶城沃川郡守順天府使礪山郡公又入為司憲府
掌令諸寺正議政府舍人嘉靖甲申陞通政拜全州
府尹移拜光州羅州戊子入為承政院承旨己丑
又出為潭陽府使在邑奉母之外妻孥饑妾僕免
寒衣歸之日家無餘石所至輒以廉謹有表

賜前後七承 玉音所以褒寵之者甚備壬辰 中
廟令政府選啓廷臣清節素著至老不變者以叅贊
趙元紀及公應 命之陞元紀崇政公嘉善移長興
府使 特下諭獎之甲午拜全羅監司時母夫人壽
九十九歲公上疏陳情乞歸侍養 下諭曰方面任
重不可輕遞而為養息辭特允所請公時年七十七
矣歸家孝奉不離母側寒暑不脫冠帶膳飲必嘗而
後進母夫人百有一歲而終守喪盡禮虔執祀事不
替朔望至於先祖忌辰必叅不以老懈國人稱之戊
戌拜漢城左尹 特陞資憲陞拜兵吏曹判書累度
上章以老乞退 上允之而令本道優給食物辛丑

特拜議政府左叅贊公感激宸眷詣闕肅謝旋

即乞骸上賜酒於慶會樓南門又令本道給米豆

四十斛公奉箋以謝肩輿出都三公以下傾城餞于

江頭故事政府堂上非得旨不得出城是日三公

令舍人詣政院啓稟上許之公異數也贊成金

安國叅贊權撥刑判柳仁淑舍人宋璘壽金魯檢詳

羅淑諸公皆會其餘公皆一時勝流也有公自述紀

行一錄癸卯又特陞崇政拜判中樞府事兼知

經筵時宋主庵璘壽按節本道就公別業構一亭名

之曰耆英會十邑牧守設宴以賀之丁未十一月十

五日考終于里第壽八十有九明年戊申正月禮葬

予所居縣舡防山坤向之原上遣禮曹正郎李瑛
致祭其文畧曰惟卿性本溫醇行篤簡潔處已無狂
裕以學術所履取舉義聞弘多磬壙補闕儀肅鶴列
愛日心長屢乞南符樂在耒耜皓髮斑衣竟遯荒野
顧神保閑公之平生蓋具於此云安貞敏瑯判銓請
趙文正金冲菴諸人不次擢用而以公及潘碩枰並
薦己卯禍後自號知止堂其意可見也居鄉敦尚禮
讓砥礪名行出門下為名流者甚多梁學圃彭孫其
一也嘗構亭臨流扁曰觀水自為詩并序以寓意屬
而和者如蘇退休世讓金慕齋安國金河西麟厚林
石川億岭李休叟文健及主庵公聯為鉅編炳琅可

玩公嘗曰昏姻論財夷虜之道士夫家所甚著也故
子女皆擇寒士之有行者而嫁娶之此尤人所難也
夫人河陰奉氏監察寅之女生於辛巳二月二十一
日卒於己亥十一月十六日亦葬于舡防山下向之
原有四男一女男長益忱贈兵曹叅議次益憬公
州牧使次益恂叅奉季益惺女適生員鄭宗護憬與
惺無後恂有二女今累世而著行者皆長房之下也
多不盡載銘曰

萊子嬰兒之啼伯起暮徂之知疏傳東門之退潞
公洛社之會曠世義事公實無備自致者人全界
者天子以見國家之亨嘉奚止公一身之英華

吁嗟百祀風韻莫嗣我銘其立用闡厥幽 崇禎
紀元之後五十六年癸亥月日坡平尹拯撰

知止堂宋公行錄

公姓宋諱欽字欽之號知止堂系出洪州之新平縣
鼻祖立進文科判官寔生裔散負寔生義明主簿寔
生讓正順大夫判典客寺事寔生玄德通訓大夫判
司宰監事於公高祖也曾祖諱龜 贈嘉善大夫兵
曹叅判義同知義禁府事祖諱處殷通訓大夫禮曹
正郎 贈資憲大夫禮曹判書義知義禁府事考諱
可元父昭殿叅奉 贈崇政大夫右贊成無知 經
筵義禁府事妣河東鄭氏 贈貞敬夫人生負弼周

之女皆以公貴推恩贊成公世居靈光公以天順己
卯三月十三日生成化庚子司馬弘治壬子釋褐拜
弘文正字歷著作博士修撰移司諫院正言獻納兵
曹正郎全羅都事即成化辛酉也弘治壬戌遭贊成
公喪甲子服闋拜司憲府持平出為寶城郡守正德
庚午七月自寶城換差沃川郡守旋以親病辭歸自
是又連典七邑雖未詳其拜罷年月而以其見於文
籍者言之若順天府使則正德辛未以清白 賜鄉
表裏甲戌歲大司憲崔淑生等上劄請褒清白吏
命三公六卿各薦其人工曹判書安瑬 啓曰在官
人則宋欽朴梓為最宜加褒獎於是公以礪山郡守

又賜鄉表裏史曹判書安璠又以公及溥昌郡守
金淨啓達上命兩人不計瓜蒠臺諫侍從隨聞
親望乙亥在鳳山又以清白賜鄉表裏丙子監司
金璠又以礪山郡守宋欽長興府使金延壽溥陽府
使朴祥廢莊奉公馳啓公入拜掌令至公正判事
舍人特陞通政踐永旨嘉靖甲申以全升府尹又
廢清白賜鄉表裏是年八月以羅州牧使赴任丙
戌監司李思鈞馳啓羅州牧使宋欽自為光州府
簿賦慎刑廢謹已著民有去後思又賜鄉表裏蓋
曾經光州牧故也已丑渾陽府使時監司趙邦表又
以清白勤謹人民安業上聞於是又賜鄉表裏

壬辰政府又

啓長興府使宋欽清自少至老終

始如一癸巳

命特陞嘉善下書廣義同年九月

拜本道觀察使兼巡察使明年甲午以鄭夫人年迫

百歲上章乞歸乃

許遽朝夕左右修盡志養之物

凡三年丙申鄭夫人下世壽一百一歲公年亦七十

八歲公哀毀癸祭如禮廬墓三年一不臥寐戊戌

閏二月政府吏曹同議抄選清白吏公以前監司與

檢詳李彥迪等五人俱與焉

命加嘉義階上京

恩返仕五月以左尹上疏陳情請解職上許之

是年特拜資憲大夫擢陞兵曹判書受職還鄉俄得

暑瘧之症而病寢九月以久未還朝命遽我何一

言道臣前判書來欽清簡老猶不改上下皆知人
物連續題給以示嘉獎之意庚子又拜吏曹判書終
不就職而築亭於缸防山下龍巖川上名曰觀水以
為往來棲遲之所一時文章名卿成趣齋申駱村諸
公多有篇什以詠之辛丑正月拜議政府左叅贊二
月入都詣 闕謝恩旋即乞骸 上教曰卿之清德
與年俱茂予甚嘉之故除卿本職勿辭姑留又 命
賜酒于慶會樓南門未久又詣 闕陳 啓乞歸
上賜對公扶入 榻前 上溫諭曰近來貪風日滋
廢恥道喪除卿本職者欲為表率於世而卿陳情甚
切故勉以從矣公耳聾不能詳聽 上使注書示

其草冊及罷出又下諭本道給食物暨米豆四十石詣闕上箋陳謝拜辭于先化門外上遣注書諭以勿謝乃肩輿由東大門出南伐原則三公二相三宰皆出餞前例政府堂上非得上旨不敢出城故預令舍人啓稟蒙允時以久旱禁酒只將白飯牛頭以餞之牛頭乃祈雨祭膳肉也是日公卿送者甚盛而與金慕齋安國權忠定撥柳判書仁宋圭菴隣壽允一時名賢慕齋為賦詩以贈別曰接畫簷恩真出異傾朝祖餞更為榮清風不用憑圖播百世爭聞汗簡名公至高敞乃跨馬還家其氣力之強健又如此癸卯七月特陞崇政大夫拜判中樞

事上表遙謝時主養按道會近邑十時率別攝廣慶
為設大宴以享之名其亭曰耆英蓋所以尊高年而
亦祗承 聖主禮待之意也又賦詩以賀曰湖海維
靈有我侯一生冰蘖苦清修 主恩稠疊連褒賞孝
意純深數乞卅架牌二千卷快年高八十六春秋
耆英亭上成佳會移八冊青萬世留一道士民莫不
聳觀傳誦以為罕世盛事後五年丁未十一月十五
日考終于家壽八十九遠近咸驚嗟訃 聞輟朝市
遣禮官致帛祭賻賜如例以日月葬于郡東紅防山
先塋下負艮之原官庀也配貞敬夫人河陰奉氏監
察寅之女以天順辛巳三月生嘉靖己亥十一月十

六日卒享年七十九葬于軀防山丁面原有四男一女長益忱兵曹叅議次益標公冊牧使次益恂進士叅奉次益惺將仕郎女適生寅鄭宗護益忱有一子碩果監察碩果有一子曰弼彪工曹叅議有四子一女子若先仁先五衛將興先斗先女古章郡守李邦柱其後孫頌蕃盛多業文學而推斗先之孫世奎以武科曾任瓦署別提仁先之外曾孫丁敏道方為備邊司郎廳益惺無後益恂有二女益惺有一女皆有子姓竊惟公性資溫醇操履簡潔襟度軒豁不拘小節裕於學術長於才諧早登科第歷敷華顯而所樂不存焉雅有欽退之志且為親便養每求外而去無

一年在 朝終乃休官歸養克著孝義人莫不賢之

其為治理公平精密苑有茂績吏民畏愛錫語聲譽

洋溢而清操彌礪中外咸服道臣卿宰迭相薦 啓

恩賜綵繹寵擢隨績階為一品戢判樞府於是予孝

子廉吏合為一傳清名耆德冠冕士林歷數 國朝

名臣罕有如公風烈猗歟休哉同時左叅贊趙公元

紀亦以清白著名三被寵擢位至一品先公十四年

癸巳而卒年七十七行知中樞府事李公賢輔嘗為

親起愛日堂於禮安所居晚又休官退去後公八年

乙卯而卒年八十九公族姪叅贊公純嘗等倪亭

於潭陽所居 宣祖初休官退去後公三十六年壬

午而卒年九十其清操苦節並名一世懸車高躅後
先相望而享有大壘同在一門吁亦異矣余惜公事
行無傳乃訪得其世系履歷於後孫仍叅以聞見畧為
論著如右俾後人有所考云歲丁卯季冬完山李選述

孝憲公成廟壬子拜弘文正字值燕山朝退廟

立王憲公成廟壬子拜弘文正字值燕山朝退廟

段王憲公成廟壬子拜弘文正字值燕山朝退廟

沈王憲公成廟壬子拜弘文正字值燕山朝退廟

賢王憲公成廟壬子拜弘文正字值燕山朝退廟

自王憲公成廟壬子拜弘文正字值燕山朝退廟

書

新平宋君命賢自湖南來訪麟習之暇手致一冊曰
此先祖知止堂遺蹟也年代已遠子姓零替至今堇
存家錄闕行狀無以昭示後人惟執事矜而圖之余
以衰病久廢筆硯辭已乃修威容而進曰斯固聞命
矣如以數語殿卷尾以命賢區々之望也余嘗觀文
公大全集間雖辭人述行之文而必畧叙其意以貽
之正類宋君之言者可為世法遂不敢更辭蓋知止
公之仕適當 中明二聖之朝以孝愛事親以廣白
事 君又以大耋引退優游川巖之間克終其天年
篤行清節卓然名世次第俱見於 二聖宸諭之書
諱祭之辭興煥一時諸賢所贊詠則遺風餘馥炳炫

簡策茂以復加其將何待於述行之文而始可昭示
後人耶且聞宋君欲徵惠於館閣巨公為追謚之舉
所謂大行受大名者其又舍公而奚先哉抑惟宋君
委已儒家思所以光大先烈不特狀謚諸事者庶幾
乎存心飭躬卒有成立以稱知止公之後余日拱而
俟之時崇禎丁卯仲冬日潘南朴世來書

請謚行狀

公姓宋諱欽字欽之洪州之新平縣人也祖虞殷文
科禮曹正郎考可元文昭殿奉直以公貴正郎
贈禮曹判書叅奉 贈右贊成妣貞敬夫人河東鄭
氏生貧弱周之女公以天順三年己卯三月十三日

生于靈光郡東井間里自髫髻已知為學稍長文
蔚然若老成人名譽日盛成化庚子登上庠弘治壬
子釋褐補槐院選入至堂為正字如寒暄慕齋諸先
生無不愛重托以道義之交值燕山昏朝棄官南歸
考槃丘園以訓誨後進講論經籍自娛者七八年壬
戌丁贊成公憂喪祭一遵禮制服闋除南原教授
中廟改王被召再入王堂序陞至修撰歷司諫院正
言獻納兵曹正郎全羅道都事司憲府持平出為寶
城汝川礪山郡守順天府使還拜司憲府掌令議政
府舍人是時衆賢彙征公與慕齋冲菴並被薦拔未
幾己卯禍作托以有老母屢辭除命邀遊江湖自

號知止堂其意可見也嘉靖甲申陞通政拜全州府
尹移拜光州羅州牧使戊子入為承政院承旨已
丑又出為潭陽府使蓋鄭夫人在堂年高公不能久
仕於朝每乞外補歷典南邑者為便養計也然其
在官旨隨供親之外絲毫不營私妻孥未嘗溫飽賦
歸之日家無甌石儲中廟朝命選廷臣清節素著
至老不變為衆所信服老政府以叅贊趙元紀及公
應命公方為長興府使特命陞階嘉善別賜
獎諭實嘉靖十二年癸巳也是秋拜全羅道觀察使
時母夫人壽九十九歲公上疏陳情乞歸侍養又
賜批諭特允所請公自是不離親側左右扶奉寒暑

不脫冠帶膳飲必常而後進母夫人百有一歲而終
公八廢之年守喪盡禮躬執祭奠哀敬兩至國人稱
其孝戊戌拜漢城府左尹特陞資憲拜兵曹判書移
拜吏曹判書以老乞退章屢上 上許之而令本道
繼致廩粟蓋以其清簡退老故用異恩廢嘉之也辛
丑 特旨拜議政府左叅贊公感激 上眷詰 闕
祇謝旋即乞骸 上賜酒於慶會樓南門又令本道
給米豆四十斛公奉箋謝 恩肩輿出都公卿大夫
傾城祖送于江頭觀者嘖々稱歎如漢時疏太傅焉
癸卯又特陞崇政判中樞府事公老不行但上箋遙
謝宋主菴獐壽按節本道就公別業為構一亭名之

白耆吳邀傍邑牧守十人設宴以賀之亦勝舉也丁
未十一月十五日考終于正寢享年八十九翌年正
月葬于甬防山貞良之原官庀喪事遣官弔祭如禮
配貞敬夫人河陰奉氏兵曹判書礪之孫也亦享年
七十九而卒有四男一女長益忱叅議次益憬收使
次益恂叅奉次益惺女適生貢鄭宗護憬與惺無後
恂有二女獨忱有子有孫至今蕃衍不絕云公之卒
計今一百五十載矣凡公之歷敷中外屢施勞績與
夫嘉言善行之不可泯滅者靡得以詳幸而五六代
後孫掇拾遺事裒成一錄他間多踈漏猶未能闡明
無遺憾矣獨其冰蘖一節罕絕倫比前後治郡五

表裏選於通朝只取二人而公居其一 王音廢
終始惓惓榮逾華袞昭載簡冊真可為百世之師而
遺風有足以廣貪夫至若事君而盡忠愛之道事親
而竭孝養之誠出處隨世道之污隆交游極一世之
名賢公之德行至此而無不備矣古所謂仁者必壽
大行受大名者其又舍公而誰歟恭尚不敢虛辭掄
揚厚誣知言君子謹掇其梗槩論撰如右以請易名
之典

乙亥十一月二日呈

資憲大夫議政府左叅贊兼禮曹判書知 經筵
事弘文館大提學藝文館大提學知春秋館成均
館事 世子右賓客五衛都摠府都摠管朴泰尚

卷之四

十三

謹狀

肅宗大王丙子七月二十四日政

贈謚孝憲公同年

十一月二十七日行迎謚禮

謚號備望

孝憲

孝貞

簡敏

禮官

吏曹正郎李益壽

執事官

務安縣監金珍

興德縣監朴宗發

青巖察訪柳鳳章

丙寅丁卯年間朴定齋泰輔倡發追謚之議至
于乙亥冬朴判書泰尚製進謚狀丙子七月明
公崔一相吐錫弔判銓部兼文衡議謚備望入
啓蒙 點

謚宴扶助記

本道監司金萬吉都事李頤晚本郡守洪璠羅
州牧李寅懌光州牧朴泰恒咸平倅李耆經茂
長倅李相周務安倅金玢昌平倅李耆高敞倅
羅重器興德倅朴宗發昆陽郡守外裔丁敏道

及世誼之家羅州居羅掌令檀羅海判晚成高
敬居金安陰履泰綾州士人梁之渤等八人靈
巖士人梁處中等五人各助大小汁物俾成宴
禮于宗孫道亨家

謚延賀詩

前郡守吳命說

先生應運作學得聖人風廉道涵仁德純心蔚孝
忠文章猶炳煥爵位已登崇 賜謚恩尤大賢孫
別有切

次二首

生寅李益馨

知止堂空後猶餘君子風廉清宜作憲誠孝自移
忠世曠洪恩重人山煥號崇文章將不朽吾道亦

多功

明公何日致為臣林下當年見一人令德平生曾
閱孝清風千古憲夷貧英亭昔被需雲降泉壤今
如雨靈新萬事人間知有待賢孫誠意感 楓宸

次

外裔李日三

先生知止日山水即清風解郡專廢俗舜 朝盡
獻忠人心前後慕 天寵古今崇有裔追先烈明
時克闡功

次

進士朴泰初

吾東有大老無讓伯夷風進退觀貞吝 君親竭
孝忠聲猷綿益著 贈典久猶崇貧懦亦知戎先

生牖後功

別韻

前持平羅晚榮

先生清德冠當時功業猶堪撰白碑
輿望鬱聖恩隆洽義名隨天官頌
榮典臨門煥舊祠盛蹟祇應輸竹帛
於詩小儒何用載

次

外裔尹淳

見得分明又識時後人稱頌勝豐碑
名重廢典今加美號隨研易既傳康
節學安靈宜配伯夷祠
德業平生蹟盡八
吾公讚詠詩

孝憲公門人錄

參贊宋純字守初潭陽人立鄉賢祠

校理梁玘字大春鐵城人己卯名賢

修撰安處誠字久叔順興人己卯名賢

生真金孟碩長城人儒行傳家

生真宋錫賢字國老靈光人名字見己卯錄

先生以講討經術自娛者退處丘園之寶迹而又於安久版詩曰南國有賢師


規模後學資曰此推之先生取重當世師表儒林則門下後進之人不為不多

而年代久遠家狀散缺莫知某之矣作此五人之名今據古籍中可見而附錄

于

孝子公門抄錄

古人以榜中多賢士為榮而觀此榜中諸人皆馳名於當世流弊於後代於焉



卷之四

五

可見一時人才之盛
考官掄選之精也
入此彀中者豈不與之有光乎茲抄京
野名類而本道則咸正收
錄以要世義之講脩耳

成化十六年庚子三月三日生進士

正說官徐居
魚世謨

生負榜

崔連孫

字子淵
居南原

成希顏

字愚翁
居京

羅煥

字章甫
居畢州

洪貴枝

字芳叔
居畢州

李昌壽

字仁老
居全州

宋誠

字誠伯
居興德

徐補

字善叔
居南平

李惟清

字直夫
居京

安瑭

字彥實
居京

趙球

字善鳴
居京

高荆山

字靜叔
居橫城

奎宏弼

字大猷
居陝川

姜鶴孫

字開甫
居京

白益堅

字不祥
居京

卞縹之 字國麻 居京

鄭仁讓 字士二 居全

柳順汀 字智翁 居京

金延壽 字而康 居京

進士榜

李鰲 字伯魚 居京

俞好禮 字勿翁 居咸陽

閔壽讓 字伯益 居京

安應世 字子挺 居京

朴摯 字華定 居京

朴增榮 字希仁 居京

崔河臨 字鎮國 居京

崔亨漢 字倬卿 居京

曹浩 字浩然 居京

南孝溫 字伯恭 居京

南忭 字叔懼 居京

沈龜達 字彦珙 居善山

羅慶源 字世華 居京

梁瑞胤 字子琚 居京

鄭光國 字彥忠 居京

李昌胤 字續甫 居京

柳濱字子清居京

金崇祖字禧之居羅州

吳世昌字蕃卿居京

丁承祐字綏之居靈光

羅顯字蕪善居羅州

李慎意字子誠居光州

閔善字仰之居京

崔貴淙字浩仁居羅州

朴以恭字禮雙居光州

安從孫字成夫居公州

弘治五年壬子四月日增廣

成宗二年

姜叔突議至吏居京

成世純謚思肅公居京

梁自海字宗漢居南原

孫澍字汝霖官至居京

鄭鵬字雲程号新居善山

柳續字繼翁居京

鄭堯弼字子勲居京

崔淑生字子真居京

韓亨允字慎卿官至刑判居京

申澄字子省居京

李世傑

見死於燕
山居京

李希舜

字師聖
居京

趙世輔

字國老
居京

安彭壽

字國老
官至禮議居海南

朴以寬

字子容
居光州

朴權

居靈光

權達手

字通之
被殺於燕
山居咸昌

洪濶德

字熙夫
居京

李先蕃

字茂叔
牧隱
有孫居京

趙舜

字春卿
官至吏議居京

鄭希良

字淳夫
善畫

知不足齋

書

知止堂遺稿第五別錄

龍巖祠宇合享祭文

成廟在宥泰運方亨天地胚氣山河送精於皇哲人
生此南國邦家之損士祔攸式萬事忠孝一心誠敬
在邦蓋臣在家亦政簡在玉心踴躍館閣將毋來
諗廿載外服青笥迎舡朱衣勝彩推吾不忍用熙厥
載陽春有脚庶民猶草宣上德意偕之大道乳我
黔蒼餘事廢白聖主嘉乃璽書賜七爵以德崇秩
馳正卿視之若晚勉遂高情稽首禁闥乞身江湖
東門供帳風繼二蹤綠野休致粟里田廬賢伯承
命優老禮賢耆莫一會光勳山川坐鎮雅俗清風洒

世廉貪立懦於千百歲為世師表思翁所稱苦操至
行衆賢是證司業去國蓋在風下猶彼時賢謂可祭
社矧茲盛德尚闕俎豆文獻無徵吾黨愧懼瞻彼森
溪觀水遺址先生杖屨昔所遊止行路指點一方起
敬頹亭忍廢程慕深得其面勢有廟翼然尼賢父
子曾茲揚虔盛名高風異世同徵並焉餽食其禮則
宜肆涓吉日以舉樽儀多士得依斯文增輝桐鄉物
色釣遊某丘同陟降止啓祐後儒 崇禎再已卯十
一月二十三日奉安時成平縣監權以鎮製

壽密祠宇別建上梁文

亦真源而同歸既泐合享之所求神道之晉安可無

別設之規棟宇維新襟珮斯聳恭惟先生南金義價
北斗高名修己治人之方本諸經術忠君孝親之行
得之天資清標炯寒露之冰德象藹和風之座歷敷
華貫早著鵠立之譽累丐專城蓋伸烏哺之願朱衣
全勝於彩服幾弄老萊之雛素履不染於脂膏頻留
壽春之犢惟行誼蔚有令聞故 聖明累加榮褒位
躋崇班曾無起樓臺之地年當大耋遂陳乞骸骨之章
龍樓餞筵渙九重之殊渥崔津供帳萃一時之勝流
楊司業之某水某丘宛然吾童子所疏太傅之知止
知足皆曰賢大夫哉斯謂進退之裕餘豈非踐守之
篤實德為師表金思齋之豔稱亭構耆英宋主養之

盛舉嗟警歎之奄閤潮典刑而寢遐宰樹荒墟觀水
之遺蹟不泯儒林未學泰山之仰慕烝增廢貪立懦
足想砥礪之節象賢崇德詎闕俎豆之儀肆焉賸食
於龍巖所以增光乎松老異世同調信道德之不孤
一體精裡認魂魄之相得第惟位置之有碍奈此祀
典之欠當澹臺出自武城禮固讓於言偃考亭生於
庚戌世則後於伊川雖當時序座之初意有所在顧
今日將事之際恐或靡安托神交於同堂未必嫌左
右之差間奉靈儀於別廟有莫如彼此之俱宜龜食
兕尾於人謀鳩戾同淹於時紂山川互揖審面勢於
測主木石爭輸運意正於授矩成之不日重構複屋

之渠仁來者如雲圓冠方領之濟々矣但輪輿之爲
義實惟序列之同愆禮與義而並行地因人而增勝
何妨競廟之分饗政覺數仞之彌高水活森溪疑分
建溪之派峯秀朗月恍接霽月之襟章甫無歎於展
誠鄰里亦爲之起敬茲效大厦之燕賀載贊脩梁之
翬飛拋梁東扶桑晴旭上簾櫳龜山義彌得今古吾
道千秋一脉通拋梁西石作高臺護典堤別有詠歸
沂上興一庭槐影蘸前溪拋梁南千家井落隱烟嵐
前川花柳曾遊地勝迹猶傳野老談拋梁北羣壑削
立千層玉乾坤淑氣此蜿蜒胚毓人材皆正直拋梁
上天宇澄清列宿朗吾心本自配高明浩氣從來在

善養拋梁下飛甍矣元臨平野外高莫厭自卑先洒
掃治平功一也伏願上梁之後攘題永完菁化丕振
遺風餘韻歷千祀而揭虔盛德清規儀四方而作則
庶啓祐於後學俾追踵乎前修 壬午二月十九日

南陽後學洪禹翊再拜謹稿

時為和順縣監

壽密新祠宇移安祭文

瞻彼森溪君子之鄉有山峯之有水洋洋鍾英毓秀
篤生俊良惟公忠孝天稟超常雍容之質碩膚其相
居鄉醇謹待人周詳所學詩禮不屑詞章早決科第
大闡文場斯之伊何玉署南床中遭不辰歛跡班行
戒在知止嘉名揭堂諱之誘人啓其面墻 聖朝改

王乍蟄旋敷烏臺鳳閣乃翔乃翔次第晉秩鬢玉腰
黃公嘗為眷思脫名韉籲 天前後較日短長桐鄉
八州畫錦榮光由符而節憇召之棠牲鼎享脩鶴琴
操彰 廢隆紫璽澤遍炎方親壽近願綵服歸庄八
褰居憂孺慕毀傷居官冰蘖有白于 王王乃寵擢
聿置巖廊躬綬赴 召志已遯荒詣 闕拜辭傾
朝遠將香山生計疏傳歸裝遙謝 恩命峻階閑坊
筭亭觀水于彼舡防 優老盛典道臣鋪張耆筮迭
壽賀詩揄揚龍卧未幾鳳歲遽忙一老不遺斯文將
喪多士協謀配祀龍岳三賢俎豆一體烝嘗隣德不
孤序列有妨新宇改建某丘之傍杖屨攸憇衣冠所

歲將臘靈座已舉脩梁丹楹與輪粉袍趨瞻尊罍淨
潔黍稷馨香消吉揭虔敬挹芬芳瞻依有所典刑不
亾遺風立懦永世難忘尚冀精靈歆此椒觴 壬午
五月二十六日自龍巖移安于壽密 時綾州牧使
南正重製

壽密祠宇釋菜祝文

忠孝至性簡潔素履清風苦節百世仰止 壬午秋
丁任判書陞制衣時在本郡在

壽密祠宇記

我中廟朝湖南森溪縣有知止堂宋先生以篤孝
純忠清節高標受知 聖主表儀朝端當國家亨嘉

會享天佑令德之報偉然為一代名臣歿後百有
餘年至聖上即位之九年癸亥我明齋先生銘其
墓又十四年而至丙子歲朝臣有列先生德行以白
者上曰是於法當謚其令太常考典稽行以孝憲
應命上曰可越四年己卯邑之章甫為之廟亭
於其鄉既又以為同鄉有竹谷李先生其名節風韻
實異世相符遂用並而享焉於是先生之七世孫命
賢既感聖朝不世之恩又知人之慕德久而不怠
欲遂目而為愈久不泯者乃與竹谷先生之玄孫董
鳩材伐石致之廟庭來詣明齋函丈前拜而進曰願
得粗叙廟事始末刻之石俾後人有所考焉惟先生

筆教之於是函丈已倦於筆硯既無以副其志願則
遂退而謀於得中曰函丈之文既不可得廟碑將中
已乎且奈何得中曰噫惡可已也惡可已也且我先
祖學圃公嘗師事先生矣追誦遺烈慨然永懷茲事
之闕實同子憂然而稱揚傳信既不得於函丈則誰
敢誰當命賢中前說不已容愈戚意愈切已乃起而
言曰抑有一焉函丈既銘墓碣矣苟能回而述之可
免於僭亦所以奉成先生今日意也子盍勉之得中
到此義固不必辯亦其懷私有不欲終辯者遂敢按
其碣文據而記之以致其謹於竹谷先生則述其家
狀而折中于丈席以致其直焉知止堂先生諱欽字

欽之天順三年己卯生成化庚子登司馬弘治壬子
釋褐入玉堂為正字燕山昏朝退處丘園尋教授南
原中廟改玉召八方任以論思授以言責而以母
夫人年高為養乞外每暫入旋出凡二十餘年之間
八為政府舍人者一政院承旨者一而其出而莅
郡者八所至輒以廉謹賜表裏前後七承王音
褒寵甚備壬辰令政府啓還廷臣之清節老不變
者以叅贊趙元紀及先生應命命陞嘉善拜長興
府使特下諭獎之甲申拜全羅監司時母夫人壽
九十九歲上疏乞歸養許之時先生亦年七十七
歸家不離側寒暑不脫冠帶膳飲必嘗而後進母夫

人百有一歲而終守喪盡禮不以老憚國人稱之戊戌以清白與李晦齋俱與揆選拜漢城府左尹又歷拜兵吏判書累上章老乞退上允之仍優給食物辛丑特拜左叅贊詣闕謝即乞骸上賜酒於慶會樓南門又令其道給米豆四十斛先生奉箋謝肩輿出都三公以下餞于江頭故事政府堂上非得旨不出城是日三公令舍人詣政府啓稟許之癸卯又特拜判中樞府事兼知經筵時宋主養壽按節其道訖先生別業構一亭名耆英會十邑宰宴以賀之丁未十一月十五日考終于里第壽八十一有九明年戊申正月禮葬于縣地上遣禮部文

以祭之平生梗槩稱揚畧盡至於當時諸賢唱酬之作發於咨嗟詠歎之餘者不可殫記而金思齋詩曰為愛先生德器深畫前元易幾窮尋閑中探得元中象酬酢方知體道心於此可以想見其深造默契左右逢原之氣象矣安貞敏塘判銓建議明經術有行義之儒嘗不次擢用與趙靜菴金冲菴諸人並薦己卯禍後自誦知止堂其意可見也居鄉敦尚禮讓砥礪名行出門下為名流者甚夥我先祖學圃公其一也既引年而退乃臨溪而亭涵泳自娛扁曰觀水自為詩並序以寓意如蘇退休金慕齋林石川金河西李休叟諸公相與屬而和之以道其尊尚悅服之意

若朴訥齋所詠南國百年同出處之一句尤三驗
矣先生嘗曰婚姻論財夷虜道士夫家所羞子女擇
寒士有行者而嫁娶之此尤人所難也竹谷先生諱
長榮字壽卿以正德十六年辛巳生于羅州竹谷里
自幼聰明英秀已自成人八歲丁外憂能哀毀盡情
奉母夫人命從諸兄學母夫人訓導甚嚴正一日與
兄弟出浴前川還以魚進母夫人不悅曰魚非我所
欲却而撻之自後先生斷不出遊定省之外不離案
頭惟恐小違慈命不待教授文思日長開口語輒驚
人及長沉潛經義至忘寢食於義易工夫尤邃消長
之理象數之變觀理無敢發於辭藻者不待究索而

浩、理達、滾、不竊嘉靖庚子登司馬戊午以明經
擢第八槐院為正字兼知制教辛酉拜北評事時母
夫人年踰耄遂辭官而歸壬戌乞養咸平縣甘旨無
不給妻孥望免飢寒而已癸亥丁內艱守墓三年哀
毀成疾而猶不懈遠近志學之士聞風全集先生嚴
立課條又手書學戒以論之其畧曰大而三經五常
之道細而一事一物之理無不備吾方寸之中即大
學之所謂明德中庸之所謂天命是也又曰一或不
謹於隱微之中則一毫之差終為千里之謬又曰行
其所學之實則有背牆開牖之益無買櫝還珠之失
云、其正大門路縝密工夫可槩見矣丁卯佐幕海

尋入為成均典籍戶曹正郎又連寧長興咸陽光
州星州丙戌以繕工監正魁重試陞通政翌年丁亥
出守襄陽府己丑四月二十一日病卒于官壽六十
有九以是年月日葬於靈光郡地霽峯高先生詩以
誄之曰文字巖山公後世兒孫無地托餘財又曰薰
德餘生寧復日魯山眉宇盡難模為時賢所歆服如
此云性本元介不肯與世俯仰故仕不達才學不展
時論惜之天資醇粹器度寬裕雖家人未嘗見其疾
言遽色平居無所癖好唯耽嗜書籍非疾甚未嘗廢
課不以產業嬰心雖朝夕晏空處之怡然居處衣服
樸陋難堪而不形於辭色前後屢典郡邑冰檠之操

愈屬觀察使章其考曰潛如伯夷曰秋毫不犯遷官
翌日貸糧於隣人曰昨日罷官今朝乞米清苦已
甚矣與曹南冥竒高峯吳德溪梁松川師友講磨至
老不怠有一妾先生歿貞信自守後遇國恤乃曰
妾事大夫亦忝食廩祿遂素服素食以終三月有側
室女喪其夫既成服潛入室自縊以殉于以見先生
刑家之一端麟趾為開雕之應詎不信歟嘗贅居于
靈光郡南山里其葬亦在郡地故子孫曰家焉粵初
己卯之知止先生廟享蓋合享於龍巖八松尹先生
之祠而以序列有妨歲壬午別建廟於壽岳而移奉
焉其竹谷先生並享在戊子嗚呼古人之能砥礪名

行顯於時而傳於後若此者非徒生質之義有過人者抑其學尚充養之功有非後人之所可及後人之所以廟而享之者非徒致其尊賢尚德之誠而止也蓋亦將為觀感講習之地以承夫先正惠後學之意也近世祠廟之設甚廣而講習之道或無聞焉絃誦輟響幾於到處皆然得中窈窕而懼焉朱夫子記崇安縣胡文正趙清獻二公祠曰學則孔孟尚矣然居是邦語其風聲氣俗之近則鄉大夫鄉先生之賢者豈可以不知其人哉方將日與諸君從容俯仰乎其間顧念古昔聖賢遠矣則欲諸君自其近者而達之今日邑人君子之為是倦々其意豈不在此耶八廟

門而展拜肅心容而周旋考斯記而見兩先生忠孝
之德清白之操與其遵禮立誠自治之嚴如此油然而
起好善之良心凜然而激貪懦之逸志然後相率
而入於講堂之中執經問難精思熟講反之心體之
身以求至理之所在而抑衷焉庶幾學明行尊德久
業大果能達於聖賢之事則可以無負兩先生私淑
後來之本意而今日之尊崇先正亦不至於徒然而
已講習之功興學之效自我南土倡之丕窳一時曰
徇之弊深有望於邑人君子爾 崇禎紀元後再辛
卯月日瀛洲梁得中撰

遺稿後說

孝憲公年代已遠子姓又替而朝家文獻之徵者數家藏舊集蕩然於兵燹今欲記實傳後將何有所據也然而失今不圖則今之輩遺存者寥寥至於泯沒是實徵家之勢固然也茲敢窮搜於瑣錄叢話去疑取信仍舊補新列次編序越丁丑冬就詢于茂長賜谷金夾命熈氏以其木鐫字印出數律因有奉質于酉峯席下則先生曰不但編序之失次也至於題目之文集者亦不是於卷軸之未全也於是乎手自改正拆節分條以孝憲公所製之文弁於首篇以時賢所和之詞降行一字暨于教旨若遺事與夫後人撰述則別行附錄綴尾於下篇然後時書其題目曰知止堂遺稿先生手澤尚新嗚呼嗚哉念我惠我之功德真百世不忘者故畧叙焉

和止堂志序跋

吾國之湖南兩湖夫中土之江東
山河之佳美乃育人物之冠絕
乾坤雲霓之錦為大郡傑特魁偉
之士代不絕之昔余為湘帥城之
報訪先人志謁郡之森溪和堂
謁和木郡之碑門之內中之至仍乃
以周知以里固已後其風素石如

實之及今五十年宋君公賢以舍房
公之同以按六一子公其七代祖
孝憲公之通也其忠孝廉以退
德高風固之新著者保方之智德
則之福古今之罕有宜乎其映來
後激磅礴似此語名爲西園之寶
史記之業也其作其世名如古無
重揚之人久矣易名之德至手


學子學友亦朴實多為秦輔漢續
意偶此之式平步達之奇亦乃五十
年之後可以後耳勢速以之人士只恨
其生也晚步及後弱矣森漢考美
之助亨之獲視乎宏功者意之像
初也嗚呼宋君若夕當校此編考
如乃年杖履之側一物一物必思所以
嘉和石之為不多而有所休裕焉可

好推而玉其家以邦國其德也古所謂
治平之域也其所以有終之歸
郎仍念余先人入考社十一年致仕
而終不肖收諸先人遺志為考其
功多未及詳公之多力今乃親而
備厥福缺以托而述之痛且喜此為
一善事也其多力之勤是
以先人壽考思其德也公其勤而保之

國之望也余今老矣追思少年為
家之日為同輩所重之望多中其夢
雖死方加款款更何先就接飲先
人抄寫昭烈及魯公鳳樓廢記退身
還中父老考親烹物了以可拜以
得也族祖執江之探文者物在朱
伏末亦老矣年家雖多先山山相傳
之集最此一書之中南平徐公又主

蓄文所修有可考者皆為之一嘆且
念漢田南宗希訪其紙幣長孫傳
陳公卿之族祖亦出公卿是使是初
余是以初曰應知伏仰之中多所欣
然其花尚帶其芳其影與之也上
見此卿亦曾持者憲親如門人
之字年九十於此傳境所生之文
中國大吳王去訪郡之府之府之府

持一丁函丈之方如足者召耶少能
南經之所謂去精之耀於希希
一此中者付丁而人曰其多乃南始
鳴子中亦予金者以之如冰之



書之修有也考之

宋之修有也考之

宋之修有也考之

宋之修有也考之

宋之修有也考之


宋之修有也考之

宋之修有也考之

宋之修有也考之

宋之修有也考之





卷之五